

FRIULI

Periodic di politiche economie culture
sfuei uffiçiâl dal Moviment Friûl

D'OGGI

Clamade pai scriturâts MF al / Chiamata per gli iscritti MF al

CONGRES STRAORDENARI DAL MF

intal Palaç Kechler a Udin, in place 20 di setembar

a lis oris 20.00

dal 19 di jugn 1992

Teme congressuâl

prospetivis politichis e organizativis dal mf

te situatsion atuâl dal friûl

(prospettive politiche e organizzative del MF nella situazione attuale del Friuli)

*Il Congrès si lu à clamât su la fonde de motsion aprovade inte sentade dal Comitât
Centrâl dal MF dal 30 avrîl 1992.*

Clamade dal

COMITAT CENTRAL DAL MF

te stesse sede dal Congrès a Palaç Kechler

subite finît il Congrès

Zorç Jus

President dal MF

Tarcint, 1 di mai 1992

Motsion che e compagne la Liste.

La prime reson che e à mote la formatsion e la presentatsion di cheste liste e je stade la volontât di tornâ a ricostruî une situatsion di legalitât interne tal MF. Nissune siele politiche, ni buine ni mancul buine, e po vê fonde se e jes di une socie politiche che no rispiete lis regulis dal so statût, parcè che no rapresente i siei scriturâts.

Tal MF al è un an e passe che lis regulis e lis proceduris statutariis a son violadis e stravuelts. La liste si è dade dongje in primis par rispuindi al apel dai Probiviri di ricostituî i orghins dal Partît su base di legalitât e legitimitât.

La seconde reons e je chê di puartâ il MF a une siele congressuâl in timps une vore curts. Si trate di analizâ la situatsion dal autonomisim in Friûl tant che moviment, e di misurâ la fuarce organizative dal MF par domandâsi se al po o nol po continuâ a sostignî il suarç de batae pal autonomisim, cence tradî lis fondis storichis dal so jessi politic. Se a esistin lis fuarcis, che si organizi in forme eficiente e dignitose, se no esistin, che si ritiri de ativitât fin che la situatsion storiche no mude a so favôr.

Inta chest câs, che al cjati il Congrès une solutsion tecniche e legitime par tutelâ il non e il simbul dal MF, par che nissun lu dopredi abusivamenti.

Il Comitât Centrâl che al jessarà di cheste liste al preparerà il Congrès straordenari par discuti chëstis cuestions e par gjavândi lis consequencis politichis, organizativis e istituzionâls.

In reson di chest, cheste liste e je impegnade a puartâ a la votatsion intal Comitât Centrâl dal MF, inte sô prime sentade, une motsion pa la clamade dal Congrès straordenari dal MF, sul teme : < prospetivis politichis e organizativis dal MF inte situatsion atuâl dal Friûl >, e une motsion pal deferiment a la Commission Disciplinâr di chei scriturâts dal MF che di un an e passe a vuê a an operât cuintri il Statût, che a an operadis sietis politichis in forme no legitimade, a an costituît orghins no legitims e a an compromitute sul esteri la inmagine dal Partît.

Motsion aprovade dal CC dal MF il 30.04.1992.

Regolament pal Congrès

Si semplifichin lis proceduris di preparatsion congressuâl:

1. Si inviin ai scriturâts l'invît e il teme congressuâl traviers Friuli d'Oggi
[si inviano agli iscritti l'invito ed il tema congressuale tramite Friuli d'Oggi]
2. Si puedin presentâ al Segretari motsions che a rivuardin il teme 10 dis prin de date dal Congrès, firmadis di almancul 10 scriturâts
[si possono presentare al Segretario mozioni che riguardano il tema 10 giorni prima della data del Congresso, firmate da almeno 10 iscritti]
3. Il President al direzarà il Congrès
[Il Presidente dirigerà il Congresso]
4. Il Segretari al fasarà la Relatsion, su la base des motsions presentadis, metint in evidence eventuâls opositions di linie
[Il Segretario farà la Relazione, sulla base delle mozioni presentate, mettendo in rilievo eventuali opposizioni di linea]
5. I presints a podaran intervignî sul teme par un timp di 10 minûts massime, se a rapresentin presentadôrs di motsions, par un timp di 5 minûts se a son partecipants e vonde, daspò jëssisi prenotâts.
[I presenti potranno intervenire sul tema per un tempo massimo di 10 minuti se rappresentanti di presentatori di mozioni, per un tempo di 5 minuti se semplici partecipanti, dopo essersi prenotati all'inizio della discussione]
6. Finide la discussion, il Segretari al podarà ancje replicâ. Daspò dut, il President al metarà in votatsion lis motsions, in maniere che a sedin distintis lis alternativis
[Finita la discussione il Segretario potrà eventualmente replicare. Dopo di che il Presidente mette a votazione le mozioni in modo che siano distinte le linee alternative]

INFORMATSION AI SCRITURATS DAL MF

Joibe 30 di avrîl a Tresesim si è davuelte la Assemblee dai scriturâts, clamade dai Probivîrs, che e à elet il Comitât Centrâl dal MF. E il Comitât Centrâl si è autoconvocât daurman, e al à elet i orghins diretîfs, President, Vicepresident, Segretari politic e Diretsion Gjenerâl, la Comission Dissiplinâr e il Coleç dai Controlôrs dai Conts.

Tratantsi de Assemblee dai scriturâts, ducj i scriturâts dal MF a forin clamâts. Stant che pal 1992 nissun orghin diretîf al veve fissade la cuote di contribusion al MF, par vê dirit a votâ, ducj i scriturâts a vaessin podût vignî a votâ. Ducj! Bastave nome che a rispietassin il Statût dal partît, chêl dal 20 di jujn 1986. Ancje chei che no risultavin tes schedis (che a vaessin podût sei stadis pierdudis o puartadis vie!) a podevin votâ: bastave nome che a firmassin une autocertificasion che a jerin scriturâts dal MF.

Uns dîs di lôr, no ducj scriturâts dal MF, a tentarin di mandâ in sbrui la Assemblee. Ju guidavin Basaldella e Cragnolini e ju ispirave Di Caporiacco. A ocupar in la sale prenotade dai probivîrs, e si refudavin di jessi par tornâ a jentrâ daspò vê ricevût des mans dal probivîr Anna Jus il cartelin che al faseve di scontre de regolaritât de scrituratsion, secont la prassi di simpri. Ducj chei altris scriturâts presints a acetavin di seguî la prassi che o vevin simpri doprade intai nestrîs congrès. A forin invidâts a jessi de sale plui di une volte, e a fâ ce che ducj chei altris a fasevin. Ma se vessin fat ce che ducj chei altris a fasevin a vaessin acetade la autoritât dai probivîrs che impi a refudavin: al sarès stât tant che ameti di vê violade la legalitât interne dal MF di plui di un an a cheste bande, cemût che us è stât displicât.

Par che si davuelzès regolârmentri la Assemblee i probivîrs a scugnirin clamâ i carabinieri, za visâts uns pâr di dîs prin, stant che Di Caporiacco su la stampe al veve dite che a vaessin <impedide> la assemblee. I carabinieri a mandarin fûr la bande di Basaldella e Cragnolini, intant che Di Caporiacco si preocupave di proclamâ la nassite de < Lega Friuli >, al puest dal Movimento Friûl (decision che vevin za cjapade intune cunvigne cualchi zornade prin). Cussì al cirive di fâ savê che si jere butât jù dal mus prin che lu butàs jù il MF ricostituît intai siei orghins legjitims.

Cheste vicendis, passadis po ancje traviere la stampe, e contadis cemût che lis conte la stampe, no son bielîs, e no contribuissin a dâ une biele inmagine nì dal MF, nì dai furlans. Ma saressial stât miôr lassâ il MF inte ilegalitât? Saressial stât miôr lassâlu vendi al PSI, o a cualchi altri compradôr? O pensin di no. Chest al jere il presi di paiâ par tornâ al MF la sô dignitât storiche e politiche, e par scancelâ lis ultimis vergognis di chescj ultins tîmps. Il presi al è stât paiât. Bisugnave vê l'ardiment di paiâlu!

La Assemblee si è davuelte regolârmentri te coretece a partî da lis 19.30 sot la presidence di Adrian Cescje, incaricât dai probivîrs. E fo votade la uniche liste che si jere presentade, che e diventà il Comitât Centrâl dal MF. La Assemblee dai scriturâts, votant la liste, e votà ancje il programe di chê liste, cemût che al pratint il Statût, che cussì al devente il programe dal Comitât Centrâl. Chest orghin, dat dongje daurman, al trasformà i impegnis programatics in dôs motsions, une che e decideve la clamade di un Congrès straordenari par decidi ce fâ dal MF, e chê altre che e decideve di passâ sot la Comission Dissiplinâr chei scriturâts dal MF che a vevin vudis responsabilîtâts intes violatsions de legalitât interne.

Cussì, in jugn, o sês clamâts a Congrès, par decidi se il MF al podarà o no davelzi la sô ativitât politiche, par decidi se al à o nol à lis fuarcis par continuâ, per decidi cemût continuâ, cun quale organizatsion, se si decît che si à di continuâ; o cemût sierâ, se si decît di sierâ, par che il non e il simbul dal Partît no podedin sei doprâts ilegâlmentri, svindûts e tradîts.

Zorç Jus
President dal MF

MF 1992

President

Zorç Jus

Vicepresident

Giuseppe Paoloni

Segretari Politic Gjenerâl

Annamaria Mansutti Franceschinis

Diretsion Gjenerâl

Laura Liani, Andrea De Vittor, Antonino Danelutto,

Raffaele Bertoldi, Italo Zoratto, Giacarlo Ricci

Comitât Centrâl

Eliana Boschetti, Imelda Clemente, Andrea De Vittor, Roberta Dominici, Pier Elia Dri, Guido Driulini, Bianca Fadon, Valdi Grosso, Roberto Jacovissi, Giorgio Jus, Laura Liani, Giuliana Lucchini, Annamaria Mansutti, Abi Martinis, Giuseppe Merlino, Michelizza Pietro, Giuliana Paoloni, Giuseppe Paoloni, Odila Pinzano, Vittorino Sabadelli, Sisto Sebastianutti, Nicola Spangaro, Gianni Toffoletti, Alfieri Tracogna.

FRIULI D'OGGI

Iscriz. al Trib. di Udine n.195 del 20.04.1966

Direttore Responsabile Marco De Agostini

Responsabilità politica

Anna Jus-Don Amelio Pinzano

Probiviri

Redazione Amministrazione: Via Roma 8, 33019 Tricesimo (UD)

fotostampât in propi-fotostampato in proprio

Tresesim 01 mai 1992-Tricesimo 01 maggio 1992